


古今攷

廿一之四



			二七〇	漢書門
	一三五			
一六	二	五	〇	
冊	架	函	號	類

內閣文庫			
三〇七		二七〇	漢書
函	一	七〇	
架	冊	號	類

內閣文庫			
番號	漢	2770	
冊數	16 (10)		
函號	307	132	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale





© Kodak, 2007 TM: Kodak





淺草文庫




古今攷卷之二十一

宋紫陽方回萬里續

明上海王圻洪洲較

四明謝三賓象三定

北貉燕人致梟騎助漢



大事記曰顏師古曰貉在東北方三韓之屬皆

貉類也曰燕人臧荼之人也韓信說下之者燕與

遼東接遼東與三韓接是時三韓未有高麗之名其

箕子朝鮮之國歟亦秦滅燕王賁得燕王喜遼東而

有遼東遼西郡鄰於貉者歟中國騎兵少灌嬰追項  
羽五千騎耳項羽不得此象騎之助而漢得之其亦  
微廬彭濮之類歟

軍士死者更為棺斂

東萊大事記曰高帝八年復下是令其文曰漢王下  
令軍士不幸死者更為衣衾棺斂轉送其家四方歸  
心焉師古曰令教命也秦始皇初改命為制今為詔  
漢王未為帝故但曰令漢書令字之始

項羽與漢約中分天下

中分天下割鴻溝以西為漢以東為楚是年七月也  
三年夏四月滎陽圍急漢王嘗請和割滎陽以西為  
漢羽弗從陳平之間行而亞父去紀信之誑行而漢  
王遁亞父之疽死羽不悟漢王之間出羽不追有獨  
運而無羣謀天為之乎東萊大事記曰史記正義曰  
鴻溝在滎陽東二十里文穎曰於滎陽下引河東南  
為鴻溝以通宋鄭陳曹衛與濟汝淮泗會於楚即今  
官渡水也張華云大梁城在浚儀縣此縣西北渠水  
東經此城南又北屈分為二渠其一渠東南流始皇

鑿引河水以灌大寨謂之鴻溝楚漢會此處也其一  
渠經陽武縣內與官渡水接張華此說是西漢水  
項羽歸太公呂后漢與羽會於彭越  
九月歸太公呂后軍皆稱萬歲乃封侯公為平國君  
初遣陸賈說羽請太公羽弗聽再遣侯公羽約中分  
天下而後歸太公呂后東萊引延平之說謂待其少  
助食盡然後遣侯生得其時矣項羽既與漢王約和  
則不得不以太公歸漢不如何以成中分之約當  
時羽與漢王亦不一相盟會邊解而東歸何也

漢王欲西歸

讀此一句知漢之君臣議中分天下之時未有權從  
和議隨即進兵之心不知漢王亦嘗思之乎中分之  
後每年如何聘使往來保得決無違盟戰爭否想是  
項羽知有不善之心暫解東歸調停韓信收拾兵食  
至於給足再舉未可知也故張良陳平有養虎自遺  
患之諫漢王始決策追項羽云  
追項羽至固陵  
五年己酉冬十月追項羽陽夏南與齊王信魏相國

越期會擊楚至固陵不會楚擊漢軍大敗之用張良  
策指地許兩人乃以兵來○紫陽方氏曰功名之士  
號曰英雄市井之徒實多徂魯子房謂齊王信之立  
非君王意信亦不自堅彭越本定梁地亦望王而君  
王不早定此兩人罪狀也漢王如子房計出捐睢陽  
以北王越陳以東傳海與信而後兩人者至高祖之  
心能不終憾之乎東萊大事記固陵晉灼曰即固始  
也師古曰本名寢丘楚令尹孫叔敖所封地今屬光  
州陽夏音賈固陵在其地

十二月圍羽垓下班固漢紀則韓信功

漢書高紀五年十二月圍羽垓下羽夜聞漢軍四面  
皆楚歌知盡得楚地羽與數百騎走是以大敗李奇  
曰垓下沛汶縣聚邑名也索隱曰垓隄名在沛縣史  
記高紀五年高祖與諸侯兵共擊楚軍與項羽決勝  
垓下淮陰侯將三十萬自當之孔將軍居左費將軍  
居右東萊大事記引史記正義曰孔將皇帝在後謂  
太史公豈信筆乎韓信是時為齊王書曰淮陰侯漢  
王未為皇帝書曰皇帝追書人臣則從輕人主則從  
重絳侯柴將軍在皇帝後項羽之卒可十萬淮陰先

合不利却孔將軍費將軍縱楚兵不利淮陰侯復乘  
之大敗垓下項羽卒聞漢軍楚歌以為漢盡得楚地  
項羽乃敗而走是以兵大敗  
呂東萊大事記書史記一大段至大敗垓下注曰漢  
書全削此段而為說曰此陣即馬隆所謂魯公不識  
者也陣者兵之未羽以不仁失天下亦不在一戰利  
鈍之間然羽少學兵法略知其意即不肯學負其雄  
才高氣而無沉深鎮密之度其病卒見於此時是故  
驚大而忽小者君子懼焉○紫陽方氏曰班固史筆

不公如此雖韓信後有叛逆之罪然其善用兵與項  
羽對陣足以制項羽而有功於漢王不可泯也功罪  
不相掩可也細觀太史公所書韓信以孔熙陳賀張  
左右翼不書兵數身自將三十萬居中當項羽之十萬傷  
為少却而項羽不識直前搏戰孔費乃以兩翼包裹  
項羽而羽三面受攻此羽之所以敗也太史公下文  
書斬首八萬乃是臨陣斬項羽八萬之軍僅餘二萬  
雖無楚歌追之走羽亦無所措其躬矣班固削而不  
書此東萊所以深鄙固也

堦下斬首八萬

堦下之戰項羽之卒可十萬曰可十萬者不能十萬也漢大勝斬首八萬則項羽餘卒無幾矣史記秦獻公二十一年周顯王五年丁巳與晉戰于石門斬首六萬呂東萊曰左氏紀諸侯侵伐雖大戰猶未嘗書斬首幾萬也以萬計級自石門之戰始○紫陽方氏曰秦獻公在位二十四年石門戰勝在孝公未立三年前史記書與晉戰者三晉也其實以章 伐魏欲復河西地故下文又曰與魏晉戰後世史書首級二

字自此始細攷之秦獻公猶未有一首一級之賞孝公用盾鞮立法戰斬一首賜爵一級首級之名自孝公始秦孝公七年虜公子卬與魏戰斬首八萬孝公後七年條魚之戰破五國及匈奴斬首八萬二千匈奴之名始見此 十三年丹陽之戰虜楚將屈丐斬首八萬秦武王四年拔宜陽斬首六萬昭襄王六年代楚斬首二萬十四年白起攻韓魏伊閔斬首二十四萬三十年擊芒卯斬首十五萬四十七年白起破趙長平殺四十餘萬五十年攻晉斬首六千流屍于河二萬

人五十年取陽城負秦斬首四萬攻趙取首虜九萬  
秦始皇元年攻卷斬首三萬十三年攻趙平陽斬首  
十萬二十六年秦初并天下大約計之秦斬殺山東  
六國之民一百六十餘萬人其得天下不仁甚矣  
漢軍四面皆楚歌 陰陵 東城 烏江  
史記項羽本紀書羽夜聞漢軍四面皆楚歌高帝紀  
書卒聞漢軍楚歌班固項籍傳亦書羽夜聞漢軍四  
面皆楚歌史記全語高帝紀又書羽夜聞四面皆楚  
歌固贅而遷簡也漢書注應曰楚歌者鷄鳴歌也師

古曰楚歌者為楚人之歌猶言吳歎越吟耳高帝令  
戚夫人楚舞自為楚歌豈亦鷄鳴時乎  
史記項羽漢書項傳皆書陰陵迷失道史記注徐廣  
曰在淮南漢書注孟康曰縣名屬九江郡是時九江  
王都六在淮南後為九江郡項羽由垓下走淮南也  
史記高帝紀書使騎將灌嬰追殺項羽東城無注項  
羽紀引兵東至東城裴駙曰縣名屬臨淮漢書高紀  
灌嬰追斬羽東城晉灼曰九江縣項傳東城無注呂  
東乘大事記曰今濠州定遠縣史記項羽紀欲東渡



烏江墳曰在牛渚常隱曰按晉初屬臨淮漢書項傳  
與史記同見本也呂東萊曰烏江縣本秦東城縣之  
烏江亭今屬和州司馬遷史筆自夜聞楚歌而下至  
五人共會其體皆是文勢波瀾可喜班固時改一二  
字因人之文不足為奇數日前偶讀遷商君傳貨殖  
傳趙長所言最奇貨殖言鄭  
姬趙女淫然亦奇○紫陽方氏曰虞兮之歌氣甚綏大風之  
歌慮甚遠固是成敗不同人品高下項羽劣於劉季  
遠矣力拔山兮氣蓋世非人主之度不學則氣力適  
足以亡身其云此天亡我非戰之罪尤舛戰者將之

事非人主之事爭天下而欲以戰決之可乎八歲七  
十餘戰矣而一敗遂亡戰何益乎湯武鳴條牧野一  
戰而安天下之民戰又豈在多乎

項羽死年三十一己巳生附攷高祖年乙巳生  
史記項羽本紀項王已死注徐廣曰項王以始皇十  
五年己巳生死年三十一漢五年十二月也史記高  
祖本紀秦二世元年注徐廣曰高祖時年四十八東  
萊大事記書此又本紀高祖崩長樂宮注皇甫謐曰  
高祖以秦昭王五十一年生至漢十二年六年六十三

○紫陽方氏曰以何氏甲子紀年圖攷之秦昭襄王五十一年乙巳秦滅周漢高生於此年二世元年壬辰陳勝起沛公適年四十八矣乙未入關為漢王年五十一矣項羽起兵時年二十四也漢王於羽長二十四歲年長以倍者也漢十二年丙午高祖年六十二崩史記注誤刊二字為三字羽少而勇不及高祖老而謀也

楚地悉定獨魯不下  
此謂魯一變至於道也項羽雖以少助以彭城其國

都也此外猶有數十城也一死烏江國都與數十百城俱下而魯國不下守節禮義之國如此高祖以項王頭示其父兄乃降主而猶存固守可也國而已以達權可也不失乎義亦不失乎時當時守者為誰高祖不嘗顯其姓名而史無可攷惜哉班固此文却奇楚地悉定一句尤奇為魯獨不下設然乃用史記項羽紀改皆降二字為悉定  
以魯公墓羽於穀城史法不古附  
以魯公號墓羽穀城此亦高祖仁心之一端也周武

王斬紂頭懸大白之旗史不書蓋趙襄子至漆智伯  
之頭以為飲器蓋溺器也高祖天資終是過人見讖  
自異也史記裴駟案皇覽曰項羽冢在東郡穀城東  
去縣不五里但墓羽穀城一事史記高紀書之項紀  
又書之漢書高紀書之項紀又書之此表紀志傳之  
史所以不如左氏荀悅編年之史且如韓信自王齊  
一事紀傳他人傳書不一或曰請為假王或曰自立  
為王他如此者尚衆史法變古自馬遷始惟十表最  
佳八書次之列傳中有大好者班固迫不及也范曄

東漢又低晉書南北史外八史隋書唐書為不切之  
人作傳開言長語一切冗塞又何關於國家范曄之  
傳王喬左慈何意魏收之志釋老尤無知

攷論史漢項羽紀傳贊

太史公作秦始皇本紀書賈誼過秦論三篇於後中  
一篇仁義不施而攻守之勢異也後世儒者論秦之  
以不能加於是矣項羽本紀贊斷其罪曰背關懷楚  
放逐義帝而自立自矜功伐奮其私智而不師古身  
死東城尚不覺寤不自責過失乃引天以我非用兵

之罪豈不繆哉後之論項羽之凶者亦無以加於是矣班固以陳勝項籍同傳亦自有意更不別選撰贊文乃取賈誼過秦中篇附兩傳後而全書太史公所論項羽者於賈誼論之後何也初看頗疑蓋以亡秦者陳勝也陳勝之所以能以秦者秦自取之也其曰一夫作難而七廟隳身死人手為天下笑者指陳勝也則班固獨附賈誼此篇為贊是亦可取但繼以太史公所論項羽之說當書曰司馬遷言若已自撰之者史記謂周生亦有言可也顧乃忽斷忽續不稱司

馬遷言若已自撰之者則不可也史記紀傳後但稱太史公曰班固紀傳後皆改為贊曰此二字自班固始大惡之人無所贊美皆稱贊曰似亦鵲突班固心胸出司馬遷之下爭多也

封項伯等四人為列侯賜姓劉氏

漢紀封項伯等四人為列侯賜姓劉氏師古曰皆羽之族先有功于漢者史記項羽紀尤詳項氏枝屬漢王皆不誅此一句尤見高祖之仁乃封項伯為射陽侯徐廣曰項伯名繆字伯桃侯平臯侯玄武侯皆項

氏賜姓劉氏徐廣曰挑侯名襄其子舍為丞相平臯  
侯名佗玄武侯諸侯表中不見呂東萊曰按年表射  
陽侯劉繆項伯也以破項羽嘗有功封平臯侯劉佗  
項佗也功北戴侯彭祖彭祖以為太公僕封然則項  
佗亦豈在楚嘗保護太公乎挑侯劉襄項襄也以客  
從漢封其一人不見賜姓始於此成都范氏祖禹曰  
古者天子建國賜姓命氏姓氏  
族類之所  
自出也自三代之衰稱姓者或以國或以族或以地  
或以官子孫各本於其祖不可改也後世非其親者

附之屬籍或加於盜賊夷狄混逆族異類於同宗然  
則古之賜姓者別之後之賜姓者亂之也夫惟天親  
不可以人為而強欲同之豈循理者乎上瀆其姓下  
忘其祖非先王之制不可為後世法也

古今攷卷之二十二  
宋 紫陽方 回萬里續  
明 上海王 圻洪洲較  
四明謝 三賓象三定  
故項籍 臣稱其主 名者盡拜 為大夫鄭 君不從

古今攷卷之二十二

宋 紫陽方 回萬里續

明 上海王 圻洪洲較

四明謝 三賓象三定

故項籍 臣稱其主 名者盡拜 為大夫鄭 君不從

呂東萊 曰按鄭 當時傳其 先鄭君嘗 事項籍死 而

屬漢高祖 令諸故項 籍臣名籍 鄭君獨不 奉詔詔盡

拜名籍者 為大夫而 逐鄭君鄭 君死孝文 時高帝之

怨項籍可謂甚矣惡其姓而使其宗族改之賤其名而追其故臣名之雖恢廓大度及困厄不可消釋褊忿乃如此然則天資豈可恃哉○紫陽方氏曰古之人有逃名避難變姓名如范蠡之陶朱公范雎之張祿者有如智果之為輔氏伍子胥之子為齊氏者漢高不誅項氏族屬賢矣而使項伯等姓為劉氏使項籍之臣皆名籍以收忍之心為戲弄之舉百世之下范唐鑑呂成公得以筆誅之人主豈可不謹哉

還至定陶馳入齊王信壁奪其軍徙信為楚王

漢書韓信傳漢王之敗固陵用張良計徵信將兵會垓下項羽死高祖襲奪信軍徙信為楚王史記淮陰侯傳漢王之困固陵用張良計召齊王信遂將兵會垓下項羽已破高祖襲奪齊王軍徐廣曰以齊為平原十乘東萊齊郡漢五年正月徙齊王信為楚王都下邳史記高祖本紀葬羽穀城還至定陶馳入齊王壁奪其軍正月漢王為皇帝云皇帝曰義帝無後齊王韓信習楚風俗徙為楚王都下邳漢書高帝紀於奪齊王信軍之後書共教子尉事乃上書春正月追尊兄伯武哀侯

而書下令曰楚地已定義帝無後欲存郢楚衆以定  
其主齊王信習楚風俗更立為楚王王淮北都下邳  
讀紀表志傳之文一事必三四處書之奪韓王信改  
王楚一事史記漢書紀傳四處檢校皆微不同蓋襲  
奪信軍之時在漢五年冬十二月改王楚之時在春  
正月漢依秦以十月為歲首也史記書即皇帝位在  
信改王楚之先漢書書即皇帝位在信改王楚之後  
今按漢紀書諸侯上疏請即皇帝位凡七異姓王楚  
王韓信為首知即位記水二月甲午也奪軍十二月

也改王正月也按信之得罪於高皇帝假王之請實

自王帝憤之一也固陵之會即今光州許地乃至帝憤

之二也武涉蒯通二人之說帝尚未知也奪軍者帝

之憤不可遏矣改王者猶不欲食言其實不得已也

然而猶善為辭曰義帝無後曰齊王信習楚風俗漢

謀臣有人哉武涉蒯通之說司馬遷何從得之其文

章縱橫甚妙

以彭越為梁王五年春正月

徙漢信為楚王以彭越為梁王都定陶○紫陽方氏



日漢五年冬十月漢王追項羽至陽夏今亳州止軍

與齊王信魏相國越期會擊楚至固陵不會用張良

計許越睢陽以北至穀城之地王之於是與韓信皆

引兵來滅羽垓下沛汶縣聚邑名汶衡交反高祖挾不會之怨久

矣正月信越之王不食言不得已而已人臣事君而

觀望徼利彭越無識何足道韓信亦為之乎

黥布之王

立布為淮南王○紫陽方氏曰隨何使九江英布叛

楚歸漢漢二年夏四月彭城之敗之後也以故九江

王從漢王擊楚四年秋七月立布為淮南王漢書高

紀布傳史記布傳並同惟史記高紀於大會垓下之

後書立武王布為淮南王此一句未可曉漢書高紀

不書大會垓下但於五年書曰十二月圍羽垓下史

記高紀書大會垓下在四年徐廣注曰七月此亦不

可曉

赦天下殊死以下

又下令曰兵不得休八年萬民與苦甚今天下事畢

其赦天下殊死以下韋昭曰殊死斬刑也師古曰殊

絕也異也言其身首殊絕而異處也○紫陽方氏曰  
二年六月立孝惠為太子史記書大赦罪人漢紀書  
立太子赦罪人此赦史記不書其曰兵不得休八年  
萬民與苦甚不以得天下為誇不急於即皇帝位而  
發此語辭簡意惻後世下一赦多為僞語不近人情  
曷不泐此八年者秦二世元年壬辰秋七月陳勝起  
斬二年癸巳三年甲午九月二世殺子嬰立四十六  
日秦亡高祖元年乙未丙申丁酉戊戌己亥五年十  
二月誅項羽凡八年也此高祖第二赦也其先書曰

大赦罪人境內而已今書赦天下文泐自不同而又  
知古不數赦凡赦非常之恩也

二月甲午即皇帝位于汜水之陽

漢書本紀書楚王韓信韓王信淮南王英布梁王彭  
越故衡山王吳芮趙王張敖燕王臧荼殊死再拜言  
大王陛下先特奉為亡道天下誅之大王先得秦王  
此一句文章關組定關中於天下功最多存亡定危  
見高祖功第一救敗繼絕八字以安萬民功盛德厚而位號比擬亡  
上下之分大王功德之著於後世不宜昧死再拜上

皇帝尊號

薛意甚美

漢王曰

云

諸王因請於是諸侯王

及大尉長安侯臣綰等三百人與博士稷嗣君叔孫

通謹擇良日二月甲午上尊號漢王即皇帝位于紀

水之陽

史記注蔡邕曰上古天子稱皇其次稱帝其次稱王

秦乘三王之未為漢驅除自以德兼三王五帝故併

以為號漢高祖受命功德宜之因而不改

史記秦始皇本紀二十六年秦初併天下令丞相御

史曰云坐六王罪狀乃云寡人以眇眇之身興兵

誅暴亂賴宗廟之靈六王咸服其辜天下大定今名

號不更無以稱成功傳後世其議帝號丞相綰

注姓王

御史大夫劫

注姓馬御史大夫秦官廷尉斯等

注廷尉秦

官聽獄必質諸朝廷與衆皆曰昔者五帝地方千里

其外侯服夷服諸侯或朝或否天子不能制今陛下

興義兵誅殘賊平定天下海內為郡縣法令由一統

自上古以來未嘗有五帝所不及臣等謹與博士議

注博士秦官曰古有天皇有地皇有秦皇秦最貴

索隱

注秦皇一人皇也蓋三皇以前臣等昧死上尊號王為

秦皇命為制令為詔天子自稱曰朕王曰去秦着皇  
未上古帝位號號曰皇帝他如議制曰可  
呂東萊大事記注引致堂胡氏曰古之聖人應時稱  
號故曰皇曰帝曰王而止矣非帝於皇王於帝  
也惟不知此義遂以皇帝為首稱而以自居以王為  
降等而以封其臣子夫之甚矣王之為名繼天撫世  
之謂也曾是而可使臣子稱之曰吳楚僭王春秋比  
之美狄六國用夷禮乃周公之所膺也豈可以此之  
故謂王卑於帝而不稱哉仲尼祖述唐虞憲章三代

尊周立號繫王於天其禮隆極於秦何取焉有天下  
者必法孔子稱天王其列爵諸侯自公而降則名正  
言順百世以俟而不惑矣

呂東萊大事記注曰張晏日記水在濟陰界晏數劾  
反按地志云高祖卽位壇在曹州濟陰縣界漢書地  
理志定陶屬濟陰郡今與仁府濟陰縣○紫陽方氏  
曰呂東萊大事記書漢王卽皇帝位取胡待制寅讀  
史管見一段注為小字蓋謂自秦漢以來有天下者  
稱皇帝至今不可改矣存致堂之說古之經也當

廟時著此書必欲時君從致堂之說則不可行或  
此請目為狂怪必矣從時違變今之權也大事記刊  
本誤以趙王張敖為張耳耳死矣不見漢王誅項羽  
也

附天皇地皇秦皇十紀攷方叔機附見

紫陽方氏曰帝隱注秦皇人皇也三皇以前稱秦皇  
易繫辭言伏羲神農黃帝世所謂三皇者指此故康  
節皇極經世書謂易始三皇書始二帝詩言三五春  
秋言五霸分而為四上皆之天皇地皇人皇無人言

及劉恕通鑑外紀細字注開闢至獲麟二百七十六  
萬歲分為十紀大率一紀二十七萬六千年十紀者  
九頭紀五龍紀攝提紀合洛紀連通紀序命紀此下  
見鄭玄六藝論之名中有吾家方叔機注回生晚不  
見此書此後循飛紀困提紀禪通紀流訖紀或云既  
訖此十紀也此下始說盤古盤古之下始說天皇氏  
地皇氏人皇氏然後說有巢氏燧人氏而伏羲氏女  
媧氏而又有大庭拍皇中央栗陸驪連赫胥尊盧混  
沌皞英有巢

又是一有巢氏非天  
地人皇之後有巢氏  
未衰陰康無懷

博采異書居多怪說茲不詳錄同別攷之初學記  
唐徐堅所纂又在道原三百年前有項峻始學篇曰  
天皇十三頭號曰天靈治萬八千歲地皇十一頭治  
八千歲人皇九頭兄弟各三百歲依山山川地勢度為  
九州各居一方有遁甲開山頭之說有洞冥記之說  
謂天皇一姓十三人有徐整三五歷記之說有春秋  
緯之說有帝系譜之說其他雜書不一唐之書至宋  
南渡多亡矣同不得皆見然天地人皇十紀諸氏不  
可得而攷存疑可也

昧死再拜自秦始

漢書張晏注曰秦以為人臣上書當言昧死死罪而  
言漢遂遵之○紫陽方氏曰昧死死罪今人不用秦  
人臣上人主猶曰再拜近世乃動曰百拜可憐哉

命為制令為詔自秦始

記秦始皇紀命為制令為詔注蔡邕曰制書帝者制  
度之命也其文曰制詔詔書詔告也○紫陽方氏曰  
尚書訓誥誓命此命之始也書發號施令令出惟行  
弗惟反令者命之異名方上下通稱一國一家皆在

君命父命而軍中惟知有將軍之令後世一監司  
守縣令皆有令字旗奉改命為制令為詔則以上論  
下之文人主獨稱制詔而人臣不敢稱後世有律令  
之令有制曰有詔曰有內制掌宰相以上除拜詔詞  
及詔書赦文德音批答不一外制專掌執政以下詔  
命詔亦曰告魏晉以來親王臨民曰教下達上之文  
其名甚夥上諭下之文亦不能卒書按漢五年春正  
月徙王韓信書下令曰未即帝位也追尊昭靈夫人  
之下始書詔曰既即帝位用秦法也

天子自稱曰朕自秦始皇  
事已見前注蔡邕曰朕我也古者上下共稱之貴賤  
不嫌則可以同號之義也臯陶與舜言朕言惠可底  
行屈原曰朕皇考至秦然後天子獨以為稱至漢不  
改○紫陽方氏曰予讀呂居仁詩有云乃知鑠頭通  
已勝狗腳朕下一句出北史上一句出傳燈錄世傳  
鑠頭通禪師為魏孝靜帝之後身皆邪說也秦之稱  
朕亦何所益趙高愚二世曰天子稱朕固不聞聲於  
是二世常居禁中與高決諸事公卿希得朝見豈不

悖哉索隱曰臣下屬望纔有兆朕聞其聲耳不見形也一字之禍乃至於此

制曰可自秦始皇始  
始皇不從秦皇之請自為皇帝他如議制曰可注蔡邕曰群臣有所奏請尚書令奏之下有司曰制天子答之曰可○紫陽方氏曰二典都俞吁咈此古君臣相可否之稱也秦始以天子之命為制當時秦皇帝口可之而史官書制曰二字也下文制曰除謚汰制曰二字亦史官所書也三十四年丞相李斯請焚書

制曰可嗚呼此所謂大不可者而可之哀哉近世臣僚奏劄曰奉聖旨依辭免則奉聖旨不允或加三省同奉聖旨依或大事御筆依大臣辭免或御筆降詔不允御筆或儷語連篇出於私人之代言如朱熹之徒文多不佳識者竊嘆不知人君之大體矣

○附曲禮天子稱謂致

曲禮下君天下曰天子朝諸侯分職授政任功曰予一人踐阼臨祭祀內事曰孝王某外事曰嗣王某臨諸侯眡於鬼神曰有天王某甫○天子未除喪曰



小子生名之死亦名之○鄭玄注天子予一人皆  
者辭遍天下謂外及四海今漢於蠻夷稱天子於王  
侯稱皇帝親禮曰伯父寡來余一人嘉之余古予字  
○注孝王某嗣王某皆祝辭也唯宗廟稱孝天地社  
稷祀之郊內而曰嗣王不敢曰外內○注天王某甫  
眡致也祝告致于鬼神辭也曰有天王某甫字也不  
名者不親往周禮大會同過山川則太祀用事鬼神  
謂百辟卿士○注予小子謙未敢稱一人春秋傳曰  
以諸侯之踰年卽位亦知天子之踰年卽位以天子

三年然後稱王亦知諸侯於其封內三年稱子○注  
生名之死亦名之生名之曰小子王死亦曰小子王  
也晉有小子侯是借取於天子號也○紫陽方氏曰  
曲禮漢儒所撰不書秦漢皇帝稱朕事存古也鄭玄  
以漢事注三禮先儒病之然其引漢於蠻夷稱天子  
於王侯稱皇帝則有據漢文帝細柳之幸曰皇帝敬  
勞將軍成禮而公武帝在位之三十一年元封元年  
北登單于臺至朔方臨北河勤兵○八萬騎遣使者  
告匈奴曰單于能戰天子自將待邊不能亟來臣

如鄭玄言天子未除喪曰予小子書成王顧命康  
自稱曰眇眇予末小子然王之誥曰惟予一人釗  
報誥乃不曰予小子何也豈以予稱於宗廟先  
王之前而待其群臣則稱予一人耶踰年即位有之  
二年後稱王別改

尊王后曰皇后

白虎通曰天子之配謂之后后者君也天子之配至  
尊故謂后也按夏殷已前后妃之制其文略矣大率  
皆稱妃故黃帝有四妃帝嚳四妃

正嫡曰元妃已下  
稱次妃又有禹妃

湯妃皆是也  
並出史記

周則天子立后正嫡曰王后秦稱皇帝  
正嫡曰皇后漢因之帝祖母稱太皇太后母稱皇太  
后魏晉之後母后之號並遵秦漢○紫陽方氏曰成  
王顧命曰皇后馮玉几尊揚末命即皇后字本是天  
子之稱曲禮曰天子之妃曰后諸侯曰夫人秦稱王  
之後周天王未亡不見秦王后之文孝文王之為大  
子有正夫人曰華陽夫人子楚母曰夏姬秦昭王五  
十六年卒孝文王以安國君立為王以華陽夫人為  
王后此秦稱王后之始也孝文王卒子楚立是為

襄王稱養母為華陽太后尊母夏姬為夏太后此秦  
稱太后而又並后之始也子楚之在邯鄲納呂不韋  
有孕之妾是為始皇帝母史記終不見其姓故天下  
稱始皇為呂政而其母趙氏既寡與呂不韋淫不韋  
又進大陰人嫪毐為始皇母日夜淫嫪毐伏誅不韋  
飲鴆始皇殺母之淫嫪可也殺不韋乃殺所生父矣  
又遷母太后於雍以茅焦之說始迎還咸陽呂不韋  
傳書始皇十九年太后薨謚為帝太后是時始皇未  
併天下未稱皇帝故其母無皇太后之稱索隱注謂

秦不用謚法始皇稱皇帝之後故其母號為帝太后  
非誅列生時之行然始皇之后史不見為何人何姓  
長子扶蘇幼子胡亥不知其母為誰始皇死時胡亥  
猶稱公子無爵位李斯趙高詐為遺詔立為太子二  
世立殺六公子其一名曰將闔當是扶蘇諸弟胡亥  
諸兄亦不聞其母為誰李斯傳始皇有二十餘子注  
云辨士隱姓名遺章耶書曰李斯為秦王死廢十七  
兄而立今王也裴駟謂二世是秦始皇第十八子此  
書在善文中未詳然則始皇不立太子為其子者皆

匹夫稱公子而已無尺土之封無一命之爵二十餘  
子皆不見其母為誰李斯傳又云公子十二人慘死  
咸陽市十六主死社社音翟與碑同又公子高上書請死  
胡亥可書賜錢十萬以葬皆不見諸公子公主之母  
始皇男女三十餘人皆屠戮無子遺哀哉

太子曰皇太子

韓詩外傳曰五帝官天下三王家天下家以傳子官  
以傳賢故自唐虞以上經傳無太子稱號夏殷之王  
雖則傳嗣其文畧矣至周始見文王世子之制白虎

通曰何以知天子之子稱世子春秋傳曰王世子會  
于首止是也何以知天子之子稱太子尚書曰太子  
發升于舟是也曰此偽秦誓也或云諸侯之子稱世子則

春秋傳云晉有太子申生鄭有太子華齊有太子光  
由是觀之周制天子世子亦不定也漢制天子稱皇  
帝其嫡嗣稱皇太子諸侯王之嫡稱世子後代咸因  
之○紫陽方氏曰秦始皇稱皇帝之後不立太子史  
記書長子扶蘇長子即太子也古者嚴嫡庶之分春  
秋公羊傳天子一娶十二女三國來媵媵以娣姪諸

侯一娶九女二國來媵雖未可盡信而春秋經有來媵之文天子諸侯不再娶后死夫人死以娣姪之媵者主後宮事惟后夫人所生之嫡長子卽是太子世子爲天子者無後世所謂初生子稱皇子次封公次封王無冊立皇太子之制後世不分嫡庶惟人主愛憎必愛也然後自皇子立爲太子冊立之禮甚盛非古也高帝初爲漢王彭城之敗皇太子呂后皆爲項王所得馬上危急屢欲棄孝惠帝矣賴夏侯嬰以完二年六月漢王還櫟陽壬午立太子令諸侯子在闕

中者悉集櫟陽爲衛時惠帝始六歲耳

古今攷卷之二十三

紫陽方回萬里續

明上海王圻洪洲較

四明謝三賓象三定

置酒雒陽南宮

上曰列侯諸將無敢隱朕皆言其情吾所以有天下

者何項氏所以失天下者何高起王陵對曰云上

曰云此三者皆人傑也史記紀同惟高祖曰異○

紫陽方氏曰漢書注高起二字張宴以為高官者起

或以為姓高名起史記注有都武侯臣起此當缺疑  
不足深辨三傑之說夫人所知亦無庸議○呂東萊  
曰臯陶之陳謨曰在知人在安民高帝論得天下之  
由獨以三傑自許而自起豐沛以來與民休息之志  
貫于幽明其大畧可謂合矣史記正義曰括地志云  
南宮在雒州雒陽縣東北二十六里洛陽故城中與  
地志云秦時已有南北宮以此考之秦雖都關中猶  
故周東都之制建宮闕于洛陽高帝之西洛陽名為  
郡而終西京之世實以為別都趙涉勸周亞夫出武

關抵雒陽直入武庫擊鳴鼓霍光以丞相車千秋子  
為雒陽武庫令更始自雒陽而西初光李松奉引馬  
驚奔賜北宮鐵柱門光武降朱鮪入洛陽幸南宮却  
非殿遂定都然則自高帝迄于王莽洛陽南北宮武  
庫皆未嘗廢周自卜宅之意固非後世所能喻至於  
天下之形勢則始皇李斯高祖張良蓋深識之矣

田橫自殺

班固紀書曰初田橫歸彭越項羽已滅橫懼誅與賓  
客亡入海上恐其久為亂遣使者赦橫曰橫來大者

王小者侯師古曰大者謂其長率即不來且發兵如

誅橫懼乘傳詣洛陽未至三十里自殺史記高帝紀

不書○呂東萊大事記書曰彭越既受漢封橫入海

居島中高帝遣使召之詔衛尉酈商曰齊王橫即至

人馬從者敢動搃者致族夷橫至尸鄉廐置自刎此

東萊節史記田儋傳文而改以彭越為梁王一句為

彭越既受漢封此前輩敘事不妨改史語一例也○

橫謂其客曰橫始與漢王俱南面稱孤今漢王為天

子而橫乃為亡虜而北面事之其耻固已甚矣因謂

此語不可不書○致堂胡氏曰橫不肯此面漢祖以

同列為王之故志亦壯矣然天下豈有俱王俱帝之

理豈有四海無君之道呂政之時藏器以待可也胡

亥之時合從而起可也至漢祖出可以委質矣漢祖

而不可事則誰可事者此所謂可以無死死傷勇者

也紫陽方氏曰三皇五帝三王君天下者之號非有

優劣諸侯擅王自七國始君其國者也有衣而王自

秦亡始亦君其國者也妄意男子動欲為王殺身滅

族今終者鮮而後世人主為帝人臣有親王之王功



臣之王無國可君世變如此

乘傳

張變反

如淳曰四馬高足為置傳四馬中足為馳傳四馬下

足為衆傳一馬二馬為軺傳急者乘一乘傳師古曰

傳者若今之驛古者以車謂之傳車其後有置馬謂

之驛騎○陳祥道禮書周禮行人掌邦國傳遽之小

事再雅曰遽傳也春秋之時楚子乘驛伐庸文十年晉

人以傳召伯宗成五年鄭商人弦高使遽告于鄭僖二十三年

皆傳車也郭璞曰傳車驛馬之名○紫陽方氏曰

禮記前有車騎疏謂古人不單騎馬左傳以公乘馬

而婦恐騎自此始春秋之末也戰國則蘇秦所謂騎

萬匹史記趙武靈王胡服而騎射皆世變也古者傳

用車馬後世驛騎單用馬亦世變也

附論廐置

史記贊曰廐置謂置馬以傳驛也田橫乘傳四馬下

足之車漢初猶用車騎

附論驂乘

漢文帝合宋昌驂乘張武等六人乘六乘傳詣長安

師古曰乘車之法尊者居左御者居中又有一人處  
車之右以備傾側是以戎事稱車右其餘則曰駟乘  
駟三也蓋取三人為名義耳張晏曰傳車六乘也○  
紫陽方氏曰文帝之詣長安以宋昌駟乘如則文帝  
一車有三人又張武等六人乘傳車六乘共為車七  
乘一行二十一人二十八馬也車駟之法車中三人  
步卒七十二人別攷  
附論語衛尉鄺商中衛兵執金吾  
東萊大事記曰是時兵皆罷歸家唯屯衛在洛陽衛  
尉掌宮門衛屯兵○紫陽方氏曰高祖都洛陽時他

無軍在焉太尉盧縮亦無軍可將惟鄺商以鄺食其  
之弟適為衛尉掌宮門屯衛兵恐其挾朝廷之兵為  
兄報讐故詔敢動搖者致族夷高祖西都長安亦他  
無軍在京師惟有衛屯宮門之兵十一年秋七月淮  
南王反始發上郡北隴西車騎已蜀材官及中衛卒  
三萬人為皇太子衛然前是帝紀不書中衛之官及  
卒數百官公卿表中尉秦官掌徼循京師武帝改為  
執金吾中壘兩尉以至左右京輔都尉尉丞兵率皆  
屬焉如此則非用以征伐出戰之軍也

車駕西都長安師古曰凡言車駕者謂天子乘車而行不敢指斥也  
紫陽方氏曰史記書駕入都關中不敢指斥天子以駕書以車書始此然駕又曰行史記秦始皇二十八年東行郡縣此所書行如東巡東游云耳三十一年始皇始為微行亦不過行止之義三十五年書曰行所幸有言其處者罪死于是以天子之車駕曰行或書行渡江所沈璧或書行至雲夢或書行從直道至

咸陽而漢書高帝紀十年書行如雒陽武帝紀書行幸者不一又書行自夏陽東幸汾陰行所巡無出今年算近世南渡後呼臨安日行都又曰行在所者此也  
西都長安  
東萊大事記曰婁敬建入關之策則是至言周公營洛邑有德則易以王無德則易以亡乃戰國陋儒之說而論周秦形勢初未嘗攷也豐鎬本文武成康之所都平王東遷始以封秦耳敬所談秦之形勢乃周

之形勢秦漢間人多不學但據目見言之東遷以前  
全盛之周則識之者鮮矣羣臣皆山東人爭言洛陽  
東有成臯西有敬澠倚河鄉伊洛其國亦足恃高帝  
獨非山東人乎與項羽富貴不歸故鄉之意異矣○  
紫陽方氏曰漢高祖西都長安史記書曰西都關中  
回謂長安指一城而言關中沃壤千里以為王畿書  
曰關中是也回嘗讀禹貢而有感堯都冀州兼後來  
幽薊營州其地極廣不如是不足以為帝畿重內輕  
外以內制外之良法也其曰五百里甸服則納總納

銓納結納米納粟四面各五百里共為千里皆畿甸  
一人之所自取自用五百里侯服則百里采二百里  
男邦三百里諸侯此一侯服極有妙理孔安國傷傳  
說得大謬百里采則曰侯服內之百里供王事而已  
二百里男邦則曰男任也任王者事三百里諸侯則  
曰三百里內同為王者斥侯故合三為一名其詞侯  
服則曰侯侯也斥侯而服事回竊謂此傳何故不以  
侯為諸侯而謂之斥侯無是理也近見吾州婺源王  
大監炎晦叔書解百里采者侯服五百里近甸服一

百里之內公卿大夫之采邑也二百里男邦乃公侯  
伯子男之界也其外三百里為諸侯則公侯伯子之  
國也堯舜禹河北建都三而不同千里之內無采邑  
四面五百里之外以一百里為采邑三百里為男邦  
三百里為諸侯真得強幹弱枝之道如鄭玄解王制  
乃謂天子之縣內方百里之國九七十裡之國二十  
有一五十里之國六十有三以為夏制周制未聞因  
素所不信孟子正義引此語謂嘗闢之矣以禹貢甸  
服侯服采攷初無此制鄭玄妄也孔安國之傳偽也

王晦叔之解乃合于天理人心何也漢高祖定都關  
中西巴蜀北隴西上郡北地未嘗以封諸侯王其王  
者皆在函谷關武關之東以關西制關東猶堯舜禹  
以一河北冀州制河南數十百侯服也咸建五長禹  
言之而禹貢侯服百里采二百里男邦三百里諸侯  
足知堯舜禹畿內千里無采邑鄭玄之徒附會王制  
說多舛戾不徑不足信也漢關中不以封暗合堯舜

禹之制云

東來六月天下大赦

東萊大事記曰正月之赦為項籍滅而下也六月之  
赦為定都關中而赦也○紫陽方氏曰漢二年正月  
赦罪人一赦也所及者狹巴蜀三秦及新得之郡耳  
五年既有天下正月六月之赦始廣青災肆赦所見  
舜典青過也所謂宥過無大災禍也所謂波瘡殘疾  
凡過失患害之人則赦之或曰目疾曰青天殃曰災  
又是一說胤征政典曰先時者殺無赦不及時者殺  
無赦謂夏后為政之典籍有此何故專為曆象差舛  
設此嚴刑湯誓予則孥戮汝罔有攸赦孥戮非殺也

父子兄弟罪不相及一人從軍違令而收其男女如  
入于罪隸春藁之類以辱之湯亡時之權而非經也  
歟武成釋箕子囚亦所謂赦易雷雨作解君子以赦  
過宥罪周禮司刺掌三赦之法又國君過市則刑人  
赦論語曰有罪不敢赦豈若後世卽位有赦謂之非  
次赦三年大禮有赦人主疾有赦天災有赦赦既頻  
數奸猾僥倖管子書荀悅漢紀論詳矣同一再致秦  
紀秦文公二十年初有三族之罪在春秋之前有嚴  
刑而無寬恩始此昭襄王二十六年書赦罪人遷之

惟有此一赦始皇十三年秋復嫪毐舍人遷蜀者非  
赦也二十六年初并天下無赦終始皇之身未嘗有  
赦馬遷于水德後書曰于是急法久者不赦其慘如  
此以至于亡漢高之赦荀悅以為權時之宜亦漢有  
天下之一端諸葛孔明有言為政以大德不以小惠  
故匡衡吳漢不願為赦先帝亦言吾周旋陳元方鄭  
康成間每見言理亂之道悉矣曾不論赦也若劉景  
升父子歲歲赦者何益于政事出常掾華陽國志其  
論甚善故詳書之

七月臧荼反九月虜荼

臧荼史漢無傳初韓廣王燕荼以燕將從項羽入關  
羽自立為西楚霸王徙韓廣王遼東以荼為燕王廣  
不肯徙國荼殺之韓信下趙代遣使諭荼歸漢漢有  
天下詔臧荼王如故至是反益項羽之舊人也項羽  
誅臨江嗣王尉不降今荼又反得非有所疑乎韓信  
彭越之徒善用兵為楚王梁王不遣之誅荼而高祖  
自往征之何也七月反九月虜自長安至燕甚遠除  
在道之日外益至即擒之也高祖用兵之神如此古

吉行五十里師行三十里戰國以來古法盡廢但貴  
神速皆世變也  
利幾項羽將以陳今侯之穎川史記書為陳公上文  
使丞相噲將兵平代地則未嘗不以兵柄付大臣也  
不使諸侯王擊之則恐其連衡乎豈諸將無能敵利  
幾者乎高祖性喜躬臨行陣擊一穎川反侯何至勞  
萬乘之尊以山壓卵擒之易耳而異日平城之悔萌  
于此矣

附論是年張耳吳芮皆薨

東萊大事記書曰越景王耳長沙文王芮皆薨引漢  
書韓彭英盧吳傳贊曰昔高祖定天下功臣異姓而  
王者八國張耳吳芮彭越黥布臧荼盧綰皆徼一時  
之權變以詐力成功咸得裂土南面稱孤見疑強大  
懷不自安事窮勢迫卒謀叛逆終于滅亡張耳以智  
自全至子亦失國惟吳芮之起不失正道故能傳號  
五世以無嗣絕慶流支庶有以夫著于甲令而稱忠  
也○紫陽方氏曰漢書所以可觀者諸侯王功臣恩



澤外戚侯百官公卿七表書拜罷死絕帝紀不書不  
人人為之傳臧荼王而無傳有傳則拜罷死絕亦可  
攷不必帝紀又書也唐書繁蕪不足觀帝紀書大臣  
拜罷死絕何益不足道之人亦為傳何益漢書又不  
如史記班固而馬疎然馬有深意高見也附評註此  
王古後九月從諸侯子閔中者復之十二  
是年五月兵皆罷歸家諸侯子在閔中者復之十二  
歲其歸者半之臣後九月仍從諸侯子  
閔中以臧荼  
利幾之反也  
後九月平水吳吳首

漢書帝紀元年冬十月之前書秦二世元年二年三  
年於秦二年書後九月此漢五年又書後九月文穎  
曰即閔九月也時律歷廢不知閔謂之後九月師古  
曰非也若律歷廢則當徑謂之十月不應有後九月  
蓋秦歷法置閔總於歲末據漢書表及史記漢未改  
秦歷之前迄至高后文帝屢書後九月是知故然非  
歷法也。紫陽  
漢高元年乙未五年己亥秦  
二世二年癸巳癸巳  
七年兩書後九月則是  
七年再閔與古五年再  
法異是必律法有差耳

大德三年己亥三月十七日回書云漢高五年紀該  
凡二十五己亥除一年不算計一千五百年云  
治長樂宮 咸陽 長安  
東萊大事記書曰治長樂宮于長安史記紀不書漢  
書紀無于長安三字東萊解曰按史記大事記高帝  
六年更命咸陽曰長安然盧縮傳云縮封為長安侯  
長安故咸陽也時高祖雖西入關尚居櫟陽方營宮  
室于長安謀徙都也。紫陽方氏曰東萊讀書甚精  
如此項羽未死縮封長安侯五年後九月始王燕高

祖雖徙蒞敬都關中未都長安班固書西都長安是  
六年冬十月令天下縣邑城  
東萊曰始皇墮壞城郭高帝令縣邑城心量廣狹世  
祿短長于堤計矣。紫陽方氏曰縣令長皆秦官掌  
治其縣萬戶以上為令秩千石至六百石減萬戶為  
長秩五百石至三百石又列侯食縣曰國皇太后皇  
后公主所食曰邑有蠻夷曰道凡縣道國邑千五百  
八十七曰道曰國曰邑皆縣也地里志高祖訖孝平  
凡郡國一百三縣邑千三百一十四道三十二侯國

二百四十一郡統縣國亦統縣書趙國至長沙國凡  
二十國而已廣平國統凡十六長沙國統縣十三非  
高祖時大國也有一縣之國則列侯之戶最少者有  
不能一縣者周制有采邑即食邑論語有千乘之邑  
十室之邑伯氏駢邑皆食邑舊父宰武城宰即後世  
十二月游雲夢執韓信  
漢紀書六年十月又告楚王信謀反上問左右左右  
爭欲擊之用陳平計乃偽游雲夢十二月會諸侯于  
陳楚王信迎謁因執之史記紀書十二月人有上變

事告楚王信謀反云云楚王信即因執之下文書是  
日大赦天下史記淮陰侯列傳書漢五年正月從齊  
王信為楚王都下邳信初之國行縣邑陳兵出入漢  
六年人有上書告楚王信反高帝以陳平計天子巡  
狩會諸侯南方有雲夢發使告諸侯會陳吾將游雲  
夢實欲襲信信弗知高祖且至楚信欲發兵反自度  
無軍欲謁上恐見禽或說信斬鍾離昧謁上上必喜  
信持其首謁高祖于陳上令武士縛信載後車信曰  
果若人言狡兔死走狗烹飛鳥盡良弓藏敵國破謀

臣亡師古曰此黃石公三畧之言班書天下已定我

國當烹班書亦刪上曰人告公反遂械繫信至洛陽

赦信罪以為淮陰侯信知漢王畏惡其能常稱病不

朝從由此日怨望鞅鞅羞與絳灌等列○紫陽方氏

曰詳觀史記此傳韓信初無反心告者過也陳兵出

入非反也匿鍾離昧何不請于上而求赦之以故大

之誼匿之亦未至于反也信引黃石公在略之法言

曰天下既定我固當烹馬遷書曰信知漢王畏惡

其能盡之矣遷書曰漢王高祖既得信恐天下諸侯

實有謀反而未發竟者相從而起即于擒信之日大

赦天下詔曰天下既安豪傑有功者封侯新立未能

盡圖其功身居軍九年或未習法令或以其故犯法

大者死刑吾甚憐之其赦天下此赦為擒韓信而下

然高帝亦心知信本無罪已有赦之之意故後十餘

日至洛陽赦信封為淮陰侯信居長安自六年十二

月至十一年凡閑居六年陳豨反呂后蕭何詐信斬

之○紫陽方氏曰三代之王君臣未嘗有詐春秋戰

國始尚詐而孫吳之徒著兵書無非詐也漢高君臣

上下皆詐也偽游雲夢以召信高后詔令人從上所  
來以詐紹信而信之用兵亦皆詐耳陳餘欲殺張耳  
高祖以類耳者斬頭與之彼教之不辜而得天下不  
為者何如人哉陳平張良無非以詐為事者下邳在  
東海郡有上邳下邳雲夢在南郡華容縣南秦漢木  
兵之後其數澤尚可游獵乎以此為名會諸侯于陳  
陳即孔子厄陳者今陳州馬遷謂假合韓信學道謙  
讓不伐不矜其能庶幾周召太公然詐力之士未足  
語此如曹參學黃老庶幾乎哉

甲申始剖符封功臣曹參等為通侯本徹侯武帝諱徹改

東萊大事記曰甲申始剖符封大功臣二十餘人為  
通侯用留侯世家語師古曰剖破也與其合符而分  
授之也功臣表曰漢興二世自秦元年之秋楚陳之  
歲初以沛公總率雄俊三年然後西滅秦立漢王中  
號五年冬克項羽即皇帝位八載而天下乃定始論  
功而定封訖十二年侯者百四十有三人

平陽懿侯曹參信武肅侯斬欽汝陰文侯夏侯嬰  
清河定侯王吸陽陵景侯傳寬廣嚴侯召歐廣平

敬侯蘇歐博陽嚴侯陳薄堂邑安侯陳嬰曲逆獻侯陳平

右六年十二月甲申封者十一人

留文成侯張良年十六射陽侯劉纏即項伯鄼文終侯

蕭何鄼音贊絳武侯周勃舞陽武侯樊噲曲周景侯

酈商穎陰懿侯灌嬰汾陽悼侯周昌梁鄒孝侯武

虎成敬侯葉深蓼夷侯孔聚此人侯三十年費侯陳賀陽

夏侯陳豨反誅

右正月丙午封

人

古隆慮克侯周竈正月丁未反陽都敬侯復正月戊陽

信胡侯呂青正月壬子封東武貞侯郭蒙正月戊午封汁方

蕭侯雍齒五月戊午封汁音子或作什方侯

右正月丁未戊申壬子戊午封者五人三月以

後今不書留侯世家所謂六年上已封大功臣

二十餘人其餘日夜爭功不決未得行封于是

有沙中謀反之說先封上所憎雍齒共計二十

九侯也位次別攷班書帝紀此事載在封劉賈

等四王之後曰上已封大功臣三十餘人非是



圭信圭躬圭穀璧蒲璧以合瑞五等諸侯來朝則執  
之去則還之周禮天子執冒圭四寸以朝諸侯冒之  
云者契劫圭璧無作傷者也禹會塗山執玉帛者厲  
國玉五玉也此制既廢而秦有皇帝之符則郡守所  
剖而人主藏其半者乎漢因之

附周禮八節

周禮掌節掌八節陳祥道云玉節以玉為之以命敎  
為大小守邦國者用玉節諸侯守其國者即與此節  
也又在五玉之外角節用犀角守都鄙者用角節角

節其制未聞虎節人節龍節皆以金為之而象其形  
使山國土國澤國者異其用持之為信門闕用符節  
半竹為之都鄙用管節全竹為之道路用旌旗其制  
脩于符節管節飾以毛蘇武節旄盡落唐節度使建  
旌節又特侈大皆奉使所擁之物也又有貨賄用節  
節即今之印章也

漢銅虎符竹使符

史記孝文本紀二年九月初與郡國守相為銅虎符  
竹使符漢書文帝紀二年九月初與郡守為銅虎符



竹使符此史記去國相二字紫陽方氏曰讀史漢文  
章班方于馬讀注脚則漢書顏師古其尤也所以東  
萊大事記本文多取史記注脚多引師古而不取索  
隱此注應劭曰銅虎符第一至第五國家治兵遣使  
者至合符合符乃聽受之竹使符皆以竹箭五枚長  
五寸刻篆書第一至第五張晏曰符以代古之珪璋  
從簡易也師古曰與郡守為符者謂各分其半右留  
京師左以與之以上漢書法史記同而添索隱曰漢  
舊儀銅虎符發兵長六寸竹使符出入徵發說文云

分符而合之小顏云右留京師左與之古今注云銅  
虎符銀錯書之張晏云銅取其同心也同謂張晏代  
古珪璋之言是也高祖封功臣王侯所剖之符有云  
丹書鐵契別已攷

### 東萊論銅虎符

呂后之崩年齊王中尉紹齊相召平曰王欲發兵非  
有漢虎符驗也東萊曰文帝以前蓋有虎符矣此謂  
初作者豈非用銅于此始乎○東萊又曰漢諸侯王  
兵權在相王不得自調發蓋相漢所置也若京師不

下虎符則相亦不得自調發東萊又曰漢書止書郡  
守為銅虎符竹使符別國相二字紫陽方氏曰漢以  
符及節為信朱虛侯章附持節者車以入此軍則信  
之中有詐焉此齊王發兵不待虎符且并誘奪琅琊  
王兵則亦難測也景帝七國反其發自以虎符為信  
大信結人心小信仗符節

孟子若合符節  
孟子曰舜生于諸馮云云得志行乎中國若合符節  
趙岐注節玉節也周禮有八節云云

孫奭正義曰按周禮守邦國者用玉節守都鄙者用  
角節凡邦國之使節山國用虎節土國用人節澤國  
用龍節皆金也以英蕩輔之鄭注云以金為節鑄象  
也必自以其國所多者所以相別為信明也今漢有  
銅虎符杜子春云蕩當為幣謂以函器盛此節或曰  
英蕩畫函門闕用符節貨賄用璽節道路用旌節注  
云符節如今宮中諸官詔符璽節者今之印章也旌  
節今使者所擁節是也將送者執此以送行者也  
孟子朱文公集注符節以玉為之篆刻文字而中分

之彼此各藏其半有故則左右相合以為信也紫陽  
方氏曰孟子所謂符節周禮八節中有之所謂半竹  
為之者其是乎周禮雖劉歆為之所本遠矣故孟  
有此符節之言後世一切廢之當攷自何時始自有  
紙之後方板竹策帛書曰符曰節曰傳一切皆廢部  
符下所屬紙也自一命以上至極品有官誥曰綬紙  
也省劄紙也人臣表章歲奏凡下達于上紙也人王  
制詔勅黃批答凡上行于下紙也州縣百司行移紙  
也惟有印之一物匣之紙之而不佩無所謂古之組

綬矣唐有鉄券以賜功臣有此碑本

英蕩

虎節人節龍節以英蕩輔之杜子春謂英蕩當作帛  
謂以函器盛此節陳祥道謂禹貢揚州貢篚蕩大射  
禮在建鼓之間則蕩竹也詩曰二矛重英朱英綠縹  
英節也節之函以竹為之而有飾焉先儒以為畫函  
是也紫陽方氏曰以器盛物謂之函今世有之英蕩  
之制廢矣

傳

周禮司閔凡所達貨賄者則以節傳出之鄭氏曰商  
或取貨于民間無璽節者至閔為之璽節及傳出之  
其有璽節亦為之傳傳如今移所過文書漢制門閔  
用傳兩行書緇帛分持其一文帝十二年除之景帝  
四年又復之

終軍入閔閔吏予軍緇陸晏曰緇音須書帛裂而分  
之若券契獲林曰緇帛邊也舊閔出入皆以傳傳煩  
因裂帛頭合以為符信也師古曰獲說是也軍問以

此何為吏曰為復傳還當以合符軍曰大丈夫西游  
終不復傳還弄緇而去軍為謁者使行郡國建節東  
出閔吏曰此前弄緇生也

功臣表曰申以丹書之信漢紀末曰與功臣剖符  
誓丹書鉄契金匱石室藏之宗廟如淳曰謂功臣表  
誓使山如礪河如帶國乃滅絕又曰金匱猶金滕也  
師古曰以金為匱以石為室重緘封之保慎之義今  
按高帝封爵之誓曰使黃河如帶泰山如厲國以永

存爰及苗裔凡十七字紫陽方氏曰剖符作誓丹書  
鐵契無注恐是以鐵鑄符如銅虎符以丹書此十七  
字于上而各剖一半手既以鐵為版丹書此誓剖之  
則以金為匱以石為室而諸侯執左符所留右符皆  
藏之宗廟乎素問有金匱玉版晁錯策亦云剖之玉  
版藏之金匱尚書有金縢古之文書懼其朽懼其焚  
欲垂久遠故謹嚴如此陳祥道謂老子曰執左契以  
不責于人則右留京師者非是今日賀太守啓剖必  
曰榮扞左符久矣然高祖封功臣有王侯之符郡守

未有符也郡守銅竹符自漢文始應劭曰國家欲使  
功臣傳祿無窮帶衣帶也厲砥厲石也河當何時如  
衣帶山當何時如厲石言如帶厲國猶永存以及後  
世之子孫也同謂陰陽消長寒暑往來有晝則有夜  
有生即有死有典則有亡詩書所云萬壽萬年人臣  
祝至尊萬歲即封爵永存之意也功臣表有云子孫  
驕逸殞身亡國訖于孝武靡有子遺又當以是觀之  
重以白馬之盟  
史記呂后本紀太后欲立諸呂為王問右丞相王陵

王陵曰高帝刑白馬盟曰非劉氏而王天下共擊之  
今王呂氏非約也漢書見王陵傳帝紀無此事而史  
記無王陵傳功臣表申以丹書之信重以白馬之盟  
師古曰白馬之盟謂刑白馬而飲其血以為盟也飲  
色洽反所洽反啜也○紫陽方氏曰漢高刑白馬盟  
史漢帝紀不書在王陵傳非劉氏而王乃見其事不  
知歲月周禮有司盟之官有盟有詛荀卿與穀梁皆  
曰盟詛不及三王然周有此官王府供珠盤以盛牛  
耳玉敦以盛血有桃有菊以祛不祥豐人飾犬盟牛

牲司寇蒞盟書登之天府禮記曰蒞牲曰盟又曰周  
人作會而民始疑注會盟也詩曰君子屢盟亂是用  
長春殊書盟不一書同盟者于幽二馬陵戚虛打鶴  
澤戲重丘各一凡八也會盟于邾者凡一也盟而不  
地者凡三也又二年三年書會及盟而不稱公者幽宿  
防齊翟泉晉處父獲子之玄栗宋向戌之劉各一凡  
八也孟子曰五霸桓公為盛葵丘之會諸侯束牲載  
書而不歃血凡牲飾以文繡其殺也寘之于坎加書  
其上盤盛耳敦盛血尸之者執耳大者先歃小者亞

之左哀十七年公會齊侯盟于蒙孟武伯彘執牛耳  
定八年晉侯盟衛侯衛人請執牛耳陳陀成何控衛  
侯之手及腕史記毛遂取鷄狗馬之血來奉銅盤跪  
進楚王曰王當歃血而定從于殿上遂左手持盤右  
手招十九人軟堂下此長少先後之別也襄十七年  
左傳瑕禽曰平王東遷吾七姓王賜之駢旌之盟杜  
預言重盟不以鷄犬王者賜而後用又左傳鄭伯  
卒出穀行出犬鷄以詛射顛考叔者此盟詛大小之  
別也鄭玄曰大事曰盟小事曰詛襄十一年季武子

作三軍盟諸侯衡詛諸五父之衢定五年六年陽虎  
盟桓子于稷門而又大詛盟三桓于周社盟國人于  
亳社又詛于五父之衢此盟與詛之例也子任割臂  
以盟莊公則不用牲華元子反登牀之盟不用牲春  
秋耻城下之盟尋盟同盟乞盟要盟逃盟渝盟必誓  
之于神如襄十一年亳之盟桓所謂名山大川羣神  
羣祀先王先公七姓十二國之祖而誓之今世俗尚  
然有云發誓願者有云出惡語以詛說者獨不用牲  
耳漢高祖刑白馬非劉氏而王者天下共擊之則帝

當先歃血而蕭曹之徒以次歃之歟史記作噉血盟  
使接反又云或作啣又章熒反漢書作啜血師古曰  
小歃也所甲反與籛秦合六國從刑白馬盟同視周  
人七姓駢旄之盟尤重矣桃今之桃樹枝葉蒴莢帚  
也

附攷白馬盟出處

史記惠景間諸侯年表太史公讀列傳至便侯曰有  
以也夫長沙王者著令甲稱其忠焉鄧展曰漢約非  
劉氏不王如芮王故著令使特王或曰以芮至忠故

著令也攢曰漢以芮忠故特王之非制故特著合便  
侯音鞭吳芮也

漢書吳芮傳其定著令下亦引鄧展注師古曰傳後  
贊文或說是也

右非劉氏不王出處二  
史記無長沙王世系  
亦無吳芮傳別攷詳  
矣附此

正月丙午立劉賈等同姓四王  
先是十二月執韓王信赦天下田肯賀上曰甚喜陞  
下得韓信又治秦中因論秦齊形勢謂齊地方二千



里持戟百萬非親子弟莫可王齊者上曰善賜金五百斤○紫陽方氏曰田肯之賀有以發悟上心為大封同姓之始也異姓諸侯王表此十八王項羽王西楚立十八王也羽誅齊王韓信徙楚尋廢為侯此一王無矣衡山王吳芮徙王長沙已死子嗣此一王臨江王尉屠此二王無矣九江王英布此二王存常山王張耳改王趙已死子敖嗣此三王存代王趙歇滅矣此三王無矣陳餘亦滅矣齊臨菑濟北膠東三田王俱滅矣此六王無矣三秦王滅矣此九王無矣

燕王臧荼滅十王無矣而盧縮王燕此四王存遼東王韓廣滅此十一王無矣魏王豹虜十二王無矣殷王司馬卬降十三王無矣韓王成項羽殺之立鄭昌漢立韓王信十四王無矣而漢存五王河南王申陽降十五王無矣五王存之外有彭越王梁當此齊異姓之王有六人吳芮子張耳子不足慮韓信已廢而英布彭越韓王信盧縮未可保也諸功臣未盡封徹侯也田肯有以啓高祖之心始大封王子弟故賞之金五百斤云

以故東陽郡鄣郡吳郡五十三縣立劉賈為荆  
功臣表曰賈高祖從父弟也荆燕吳傳荆王劉賈高  
帝從父兄也不知其初起時文穎曰東陽今下邳也  
鄣郡今丹陽也吳郡今會稽也章昭曰鄣郡今故鄣  
縣也後郡徙丹陽轉以為縣故謂之故鄣也師古曰  
鄣音章東萊曰漢地理志下邳屬東海郡即秦剡郡  
既已封楚王交當是秦漢之間分割下邳為東陽郡  
其詳不可攷也鄣郡所治乃湖州長興縣故城在縣

西南八十里今建康地徽宣太平廣德皆鄣郡之境  
也吳郡所治乃平江府今常秀稅越明台發溫處衢  
潤湖睦皆吳郡之境也○紫陽方氏曰漢地理志會  
稽郡秦置高帝六年為荆國十二年更名吳然六年  
正月丙午劉賈之封不曰會稽郡而曰吳郡何也豈  
班固追書而從改名耶秦置會稽郡漢統縣二十六  
治吳縣今平江府是也嚴助傳書會稽吳人朱買臣  
傳書吳人蓋皆今平江府人買臣武帝時拜會稽大  
守即今平江府人治吳縣之會稽非今浙東越州之

會稽也劉賈傳立為荆王王淮東不治吳郡之吳縣  
漢志臨淮縣有東陽縣在淮浦盱眙淮陰縣之間必  
立于此賈立六年高祖十一年黥布反賈戰弗勝走  
臨淮郡之富陵縣為所殺無子國除高祖十二年十  
月以會稽吳封兄弟之子濞為吳王王三郡五十三  
城史記書曰郡吳治今平江府吳縣其傳謂豫章郡  
銅山鑄錢韋昭注豫字誤但當言章郡今改章古字通用  
晁錯削濞會稽郡則吳王所都亦取之矣故反反而  
滅三郡入漢則吳郡之後為會稽郡其在此時歟丹

陽郡統縣十七皆今浙西江東地有故鄞縣即鄞郡  
有曰黥縣曰歙縣同所居徽州今二縣古名猶存黥  
音伊今寫曰黥會稽郡則浙西浙東地皆是朱買臣  
之負薪為郡皆浙西吳地東陽所屬臨淮郡則淮東  
地皆賈荆王交楚王所謂分楚地為二國也  
以碭郡薛郡郟郡三十六縣立弟文信君交為

楚王

楚元王傳楚元王交字游高祖同父少弟也文頴曰  
碭郡今梁國是也薛郡今魯國是也剡郡今東海是

也傳曰王薛郡東海彭越三十六縣陳豨白陽郡所  
治乃單州碭山縣今應天興仁鄆濟單亳廣濟皆碭  
郡之境也薛郡所治乃兗州鉅野縣今兗海淮陽皆  
薛郡之境也荊州所治乃海州東海縣秦分薛郡東  
海及荀郡地置郟郡如沂州之費縣淮陽軍史下邱  
縣皆其境也○紫陽方氏曰向嘗至今兗州州治無  
屋數碑立瓦礫中前宋太守題名猶在居民無數十  
戶東望孔子墓林蔚然豐茂泰山巍乎其土欲壓平  
楚而曠土荆棘罕積野雉飛雉其卵可拾驟馬逐之

三起三落即得雉矣元王交少時嘗與魯穆生白生  
申公俱受詩于浮丘伯伯者荀卿門人也一時間氣  
鍾劉氏一門高祖之武元王之文偉哉惜乎申公無  
詩元王詩今不傳也

高祖四兄弟

太上皇生高祖

長兄伯

早

次兄仲

即代

少弟

交

字游即

郟客

文王禮

劉辟

疆劉德

劉向

從薄反自殺

壬子以雲中鴈門代郡五十三縣立兄宜信侯

喜為代王

紫陽方氏曰宜信侯喜為代王即高祖兄仲也漢書  
無傳事見吳王濞傳中功臣表六年正月壬子立七  
年為匈奴所攻棄國自歸廢為郃陽侯孝惠二年薨  
子吳王濞高祖十二年十月辛丑以故代王子沛侯  
立為吳王立四十二年孝景三年反誅濞傳高帝元  
仲之子也高帝立仲為代王匈奴攻代仲不能堅守  
棄國間行走洛陽天子不忍致法廢為郃陽侯子濞  
起為沛侯年二十從高祖破黥布荊王劉賈為布殺  
無後上患會稽吳輕悍乃立濞為吳王

東萊曰云中唐勝州單于大都護是也鴈門唐雲應  
朔州是也代郡唐蔚州是也史記本紀載喜為代王  
十七年漢興以來諸侯年表雖書喜元年于六年與  
漢書同然謂韓王信降匈奴而喜繼王其地二者皆  
非也漢書本紀年表載封拜年月日郡名縣教皆異  
蓋故府之所藏也况喜所王者云中鴈門代三郡信  
所王者太原一郡自不相于史記之誤明矣然所以  
差誤者亦有說焉高帝更以太原郡為韓國徙信以  
避胡都晉陽信上書國被邊匈奴數入晉陽去塞遠

諸治馬邑上許之馬邑據地理志屬代郡在高帝時  
或屬太原未可知也至高帝十一年封文帝為代王  
頗取山南太原之地以益屬代是割韓王信之故地  
以增益代國也自後世觀之韓之都乃在代之縣代  
之地乃涉韓之舊疆也子長論輿地之大勢封建之  
大意固非孟堅所及至于總練故實考核歲月則孟  
堅之所長也○紫陽方氏曰回嘗謂馬踈而意有餘  
班固而見不足者此也

東萊以膠東膠西臨淄濟北博陽城陽郡七十三縣

立子肥為齊王

東萊曰肥惠帝庶兄庶長子也膠東所治乃萊州即  
墨縣膠西所治乃密州高密縣臨淄所治乃青州臨  
淄縣濟北博陽所治未見項羽立田安為濟北王治  
博陽今分為兩郡蓋在田榮并三齊之後城陽所治  
乃密州莒縣今登萊沂密濰青淄濱滄隸濟德博皆  
六郡之境也  
紫陽方氏曰田肯一言寤主謂非親子弟莫可王齊  
者蓋亦窺見高祖之心奪韓信齊而易之楚信未改  
封入壁奪其軍忌之甚矣既而不以齊封諸人以為

郡不欲以重地與人也其擒信于陳奪其楚地信亦  
不反忘之而欲除之也所謂楚亦未肯與人也田肯  
發其端惟以得信為賀而次言齊地宜封子弟高祖  
之疑于中者遂決詔曰齊古之建國也今為郡其復  
以為諸侯將軍劉賈數有大功及擇寬惠修潔者王  
齊荆地此詔甚典雖止言劉賈疏屬一人羣大臣心  
知其指矣遂奏請劉賈王荆元王交王楚分楚為二  
其曰正月丙午又七日壬子立代王喜齊王肥先從  
姪次少弟次仲兄竄後親庶長子其實雅意在立承

肥為齊王也故又以曹參為齊相焉大封同姓自此  
四王始漢表書楚第一代第二齊第三荆第四高祖  
王子弟實十二人代王喜廢為侯子濞以劉賈戰死  
之地封為王表惟書十一人史記漢興以來諸侯表  
序甚佳表微不同如東萊之言取漢表

高祖封同姓王十二人除此四王外又八王  
初四王荆王賈楚元王交代王喜齊悼惠王肥  
淮南厲王長高帝子十一年正月庚午立孝文六年  
謀反廢死後立子劉安

趙隱王如意高帝子九年四月立十二月為呂太后  
所殺無後  
代王高帝子漢文帝也諱恆十一年正月丙子立十  
七年高后八年入為皇帝  
趙共王恢高帝子十一年三月丙午為梁王立十六  
年高后七年徙趙其年自殺無後  
趙幽王友高帝子十一年三月丙寅立為淮陽王二  
年徙趙十二年高后七年自殺子遂文帝元年封景  
帝三年反誅子辟疆文帝二年封河間王

燕靈王建高帝十二年三月甲午立十五年高后七  
年薨殺其子  
燕敬王澤高帝從子昆弟高后七年以營陸侯立為  
瑯琊王二年文帝元年徙燕漢書荆燕吳傳劉賈劉  
澤劉濞也澤最踈非高祖之封  
吳王濞高祖孫代王喜之子也喜棄國赦為郟陽侯  
高祖立為吳王立四十二年景帝二年反誅  
紫陽方氏曰高弟八男惠文二帝高五王傳一齊三  
趙一燕也淮南王長自為傳



史記秦漢之際月表

太史公讀秦漢之際曰初作難發于陳涉句文虐戾

滅秦自項氏句文撥亂誅暴平定海內卒踐帝祚成

於漢家此四句謂高祖文奇五年之間號令三嬗音善索隱曰古禪字市戰

反自生民以來未有受命若斯之亟也此第一節言陳項劉三人

之興文奇昔虞夏之興積善累功數十年德洽百姓攝行

政事薦之于天然後在位湯武之王乃由契后稷脩

仁行義十餘世不期而會孟津八百諸侯猶以為未

可其後乃放弒上文總言湯武中舉孟津事正謂武王未放弒二字又兼言湯武古文體

如秦起襄公章于文繆獻孝之後稍以蚕食六國百

有餘載乃能并冠帶之倫三段論虞夏湯武秦以德若彼此謂曰

虞夏湯武用力如此索隱証非是蓋一統若斯之難也此

二節言五代之興甚難秦既稱帝患兵革不休以有諸侯也于

是無尺土之封墮壞名城銷鋒鏑鉏豪傑維萬世之

安然王跡之興起于閭巷合從討伐軼于三代鄉秦

之禁適足以資賢者為驅除雉耳此第三節論秦之失故憤發


其所為天下雄索隱曰指高帝王跡之興始于安在

無王不王此乃傳之所謂大聖乎豈非天哉豈非天

哉非大聖孰能當此受命而帝者乎○蔡陽方氏曰  
子長十表自我作古秦楚之際月表自秦二世元年  
壬辰七月始其次秦楚趙項齊漢燕魏韓七月陳  
涉起九月兵至戲二年癸巳十二月陳涉死九月項  
梁起八月武臣自立為趙王九月田儋王齊是月漢  
王為沛公起是月韓廣王燕是月魏咎始三年六月  
韓王成始其書簡而有法此二年癸巳有後九月漢紀  
同三年甲午盡九月乙未十月為漢元年沛公破咸  
陽子嬰降十一月項羽坑秦降卒于新安十二月羽

至關中誅子嬰正月為楚義帝元年項羽為天下主  
分十八王義帝都江南鄒羽為西楚霸王都彭城而  
楚分為四吳芮衡山王都邾其敖臨江王都江陵九  
江王英布都六趙更名常山張耳常山王都襄國分  
為代趙歇代王都代齊更臨淄田都臨淄王都臨淄  
分為濟北田安濟北王都博陽分為膠東田市膠東  
王都即墨此齊三田也關中分為四漢王都南鄭章  
邯鄲王都廢丘塞王司馬欣都櫟陽翟王董翳都高  
奴燕王臧荼都薊分為遼東王韓廣都遼東魏更為

西魏王魏豹都平陽分為殷王司馬邛都朝歌韓王  
成都陽翟分為河南王申陽都洛陽至漢五年二月  
止其一月或書曰端月通項羽十九王虛尊義帝一



古今攷卷之二十四終

